

STJÓRNARTÍÐINDI B 76 – 1993

22. nóvember 1993

929

Nr. 468

REGLUGERÐ

um sérstakt jöfnunargjald af kartöflum og vörum unnum úr þeim.

1. gr.

Greiða skal í ríkissjóð við tollafgreiðslu sérstakt jöfnunargjald af kartöflum og vörum unnum úr þeim, þannig:

Af kartöflum og vörum sem flokkast undir eftirtalin tollskrárnúmer í viðauka I við lög nr. 55/1987, sbr. lög nr. 96/1987 um breytingu á þeim lögum, skal greiða 50% jöfnunargjald:

0710.1000	1105.2001	1108.1309
0711.9001	1105.2009	1903.0009
0712.1000	1108.1301	2001.9003

Af kartöflum og vörum sem flokkast undir tollskrárnúmerin 1903.0001, 2004.1001, 2004.1009, 2005.2001 og 2005.2009 í viðauka I við lög nr. 55/1987, sbr. lög nr. 96/1987 um breytingu á þeim lögum, skal greiða 90% jöfnunargjald.

Landbúnaðarráðherra er heimilt að fella niður jöfnunargjald af vörum sem falla undir framangreinda tollflokka, enda séu vörurnar fluttar inn sem hráefni til umtalsverðrar innlendrar iðnaðarframleiðslu.

2. gr.

Sérstakt jöfnunargjald skv. 1. gr. skal lagt á tollverð vöru og skulu ákvæði laga nr. 55/1987, með síðari breytingum, gilda eftir því sem við á um vöruflokkun, gjalddaga, innheimtu, lögvernd, viðurlög og aðra framkvæmd á innheimtu gjaldsins.

3. gr.

Tollstjórar annast innheimtu sérstaks jöfnunargjalds samkvæmt reglugerð þessari og standa skil á þeim til ríkissjóðs eftir þeim fyrirmælum sem fjármálaráðherra setur um skil innflutningsgjalda. Tekjum af gjaldinu skal haldið sérgreindum við innheimtu og skil í ríkissjóð.

4. gr.

Landbúnaðarráðherra sker úr ágreiningi um gjaldskyldu skv. reglugerð þessari.

5. gr.

Reglugerð þessi er sett samkvæmt heimild í 30. gr. laga nr. 99 8. september 1993 um framleiðslu, verðlagningu og sölu á búvörum og öðlast þegar gildi og tekur til þeirra vara sem

um ræðir í 1. gr. og ótollafgreiddar eru á þeim tíma. Jafnframt er úr gildi felld reglugerð nr. 223 25. maí 1987 um sérstakt jöfnunargjald af kartöflum og vörum unnum úr þeim og reglugerðir nr. 109/1988, 335/1989 og 229/1990 um breytingu á þeirri reglugerð.

Landbúnaðarráðuneytið, 22. nóvember 1993.

Halldór Blöndal.

Jón Höskuldsson.

VIÐAUKI

við reglugerð nr. 246, 14. júní 1993, um loðnuveiðar 1993/1994.

1. gr.

Þrátt fyrir ákvæði 1. tl. 3. gr. sbr. reglugerð nr. 286, 26. júlí 1993, er loðnuskipum heimilt á tímabilinu frá kl. 16.00, 22. nóvember til kl. 20.00 að kvöldi 6. desember n.k. að stunda loðnuveiðar sunnan og vestan þeirrar línu, sem tilgreind er í 1. gr. reglugerðar nr. 286, 26. júlí 1993.

2. gr.

Reglugerð þessi er sett samkvæmt ákvæðum laga nr. 38, 15. maí 1993, um stjórn fiskveiða og laga nr. 81, 31. maí 1976, um veiðar í fiskveiðilandhelgi Íslands, til þess að öðlast þegar gildi.

Sjávarútvegsráðuneytið, 22. nóvember 1993.

F. h. r.

Árni Kolbeinsson.

Pórður Eyþórsson.